



CYD-BWYLLGOR CORFFOREDIG Y GOGLEDD

7 Tachwedd, 2025

TEITL: Parth Buddsoddi Sir y Fflint a Wrecsam

AWDURON: Alwen Williams, Prif Weithredwr
Iwan Evans, Swyddog Monitro
Iain Taylor, AMION Consulting

1. PWRPAS YR ADRODDIAD

- 1.1. Mae'r adroddiad hwn yn rhoi diweddariad ar y gwaith i sicrhau cymeradwyaeth i Barth Buddsoddi Sir y Fflint a Wrecsam, gan gynnwys diweddariad ar y gymeradwyaeth gan y ddau Gyngor lleol lletyol a'r Memorandwm Dealltwriaeth a'r Llythyr Cynnig Grant.
- 1.2. Mae'r adroddiad hwn hefyd yn gofyn am benderfyniad yn ymwneud â'r Cytundeb Rhyng-Awdurdod a'r Cynllun Cyflawni Blynyddol arfaethedig.

2. Y PENDERFYNIAD A GEISIR

- 2.1. Derbyn yr Adroddiad Diweddarau a nodi'r gwaith a wnaed gan Gyngor Sir y Fflint a Chyngor Bwrdeistref Sirol Wrecsam a thîm y Parth Buddsoddi, Llywodraeth Cymru a Llywodraeth y DU.
- 2.2. Cymeradwyo'r Cytundeb Rhyng-Awdurdod (IAA) drafft rhwng Cyd-bwyllgor Corfforedig y Gogledd (CBC), Cyngor Sir y Fflint a Chyngor Bwrdeistref Sirol Wrecsam, gan ddirprwyo'r hawl i gytuno a chwblhau'r fersiwn terfynol i'r Prif Weithredwr mewn ymgynghoriad â Swyddog Monitro, Swyddog Adran 151, yr Is-gadeirydd ac Arweinydd Cyngor Sir Ddinbych, fel cynrychiolwyr penodedig y Bwrdd Ymgynghorol Parth Buddsoddi Sir y Fflint a Wrecsam.
- 2.3. Cymeradwyo Rhestr Prosiectau, gweithgareddau a cherrig milltir Blwyddyn 1 a 2 sydd wedi'u drafftio i gefnogi'r Cynllun Cyflawni Blynyddol.
- 2.4. Cymeradwyo'r Memorandwm Cyd-ddealltwriaeth drafft, gan ddirprwyo'r hawl i gytuno a chwblhau'r fersiwn terfynol i'r Prif Weithredwr mewn ymgynghoriad â Swyddog Monitro, Swyddog Adran 151, yr Is-gadeirydd ac Arweinydd Cyngor Sir Ddinbych, fel cynrychiolwyr penodedig y Bwrdd Ymgynghorol Parth Buddsoddi Sir y Fflint a Wrecsam.

3. Y RHESWM AM Y PENDERFYNIAD

Diweddariad ar Gynnydd

- 3.1. Cytunwyd ar Borth 5 gyda Llywodraeth Cymru a Llywodraeth y DU ac, ynghyd â Phorth 1 i 4, mae gwybodaeth ategol arall wrthi'n cael ei rhoi at ei gilydd mewn Memorandwm Dealltwriaeth sydd yn cael ei gwblhau dan gymeradwyaeth flaenorol y CBC.

- 3.2. Mae Cynllun Cyflawni Blynyddol 2025/26 a 2026/27 wrthi'n cael ei baratoi i arwain y buddsoddi a chefnogi'r ymdrechion ar draws y bartneriaeth i dderbyn cynigion ac achosion busnes ar gyfer penderfynu arnynt a buddsoddi ynddynt yn y dyfodol. Bydd Cynghorau Sir y Fflint a Wrecsam yn arwyddo'r Cynllun Cyflawni Blynyddol ac yn cefnogi penderfyniad gan gyfarfod yr Is-bwyllgor Llesiant Economaidd yn y dyfodol.
- 3.3. Yn y Cynllun Cyflawni Blynyddol mae crynodeb o Brosiectau, gweithgareddau a cherrig milltir Blwyddyn 1 a 2. **Atodiad 2** yw rhan hon y ddogfen i gefnogi penderfyniad ar agweddau allweddol ar raglen y Parth Buddsoddi ym Mlwyddyn 1 a 2. Bydd y rhestr prosiectau yn esblygu dros amser ac adroddir arnynt i'r CBC a Bwrdd Ymgynghorol y Parth Buddsoddi.
- 3.4. Cyhoeddodd Llywodraeth y DU Fapiau Safleoedd Treth y Parth Buddsoddi ar 14 Hydref 2025. Gellir gweld y rhain [yma](#).
- 3.5. Mae'r Offeryn Statudol sydd wedi'i gyhoeddi ac sy'n dangos bod y Safleoedd Treth yn dod i rym ar 21 Tachwedd 2025 ar gael [yma](#).
- 3.6. Ar 14 Hydref 2025, aeth Cyngor Sir y Fflint a Chyngor Bwrdeistref Sirol Wrecsam â phapurau'r Cyngor gerbron cyfarfodydd y Cabinet a'r Bwrdd Gweithredol i gadarnhau egwyddorion y Parth Buddsoddi ac fe gafodd y Cyngor gymeradwyaeth i ffurfio Memorandwm Dealltwriaeth y Parth Buddsoddi arfaethedig gyda'r CBC, Llywodraeth Cymru a Llywodraeth y DU.

Cytundeb Rhyng-Awdurdod

- 3.7. Mae'r bartneriaeth rhwng y CBC, Cyngor Sir y Fflint a Chyngor Bwrdeistref Sirol Wrecsam yn hanfodol ar gyfer cyflawni'r Parth Buddsoddi. Fel y Corff Atebol, mae gan y CBC atebolrwydd sylweddol am gyflawni'r Parth Buddsoddi'n llwyddiannus. Yn nhermau llywodraethu dyma'r prif gyfrwng ar gyfer y prosesau ariannu, tynnu i lawr a sicrwydd. Bydd yn ymrwymo i'r MOU gyda'r llywodraethau ar gyfer cyflawni'r Parth Buddsoddi ac yn atebol am dynnu i lawr y cyllid. Ar y llaw arall, mae ganddo hefyd bartneriaeth gydfuddiannol gyda'r Cynghorau sydd angen cefnogi llywodraethu effeithiol a phriodol, eglurder ynghylch y trefniadau hyn a mecanweithiau i gefnogi cyflawni'r Parth Buddsoddi yn dilyn y cymeradwyaethau ffurfiol.
- 3.8. Ar y cyd gyda'r Cynghorau, mae'r CBC dros y 12 mis diwethaf wedi cymeradwyo a chefnogi datblygiad y Parth Buddsoddi drwy'r broses Porth. Mae wedi cytuno ar y strwythurau llywodraethu a'r trefniadau i gefnogi cyflawni. Mae'r rhain bellach wedi'u hymgorffori yn yr IAA arfaethedig, yn ogystal â'r mecanweithiau ar gyfer gwneud penderfyniadau ac ymgynghori.
- 3.9. Yn ychwanegol, mae'n nodi'r telerau ar gyfer cyflawni, yn ogystal â rhai o'r dyraniadau refeniw a chyfalaf i'w gwario gan Cynghorau Sir y Fflint a Wrecsam. Bydd yr IAA yn anelu at alluogi cyn gymaint â phosibl i gyflawni ym Mlwyddyn 1 gan y ddau Gyngor, fel yr amlinellir yng Nghynllun Cyflawni Blynyddol Blwyddyn 1 (2025/26). Bydd hefyd yn darparu templed cytundeb cyllido i gefnogi'r cyflawni. Bydd yr ymrwymadau penodol i ddarparu cyllid refeniw i Sir y Fflint a Wrecsam mewn perthynas â'r Uned Rheoli a Chynllunio Rhaglenni yn cael eu hymgorffori yn y cytundeb fel ymrwymiad cytundebol.
- 3.10. Mae'r Cytundeb Rhyng-Awdurdod drafft wedi'i atodi fel **Atodiad 1**.

Memorandwm Cyd-ddealltwriaeth

- 3.11. Ynghlwm yn **Atodiad 3** mae'r Memorandwm Cyd-ddealltwriaeth drafft ar gyfer Parth Buddsoddi Sir y Fflint a Wrecsam. Mae'r Memorandwm Cyd-ddealltwriaeth yn sail i'r Llywodraeth gynto

â'r CBC ar y trefniadau cymeradwyo a chyflawni ar gyfer y rhaglen Parth Buddsoddi yn Sir y Fflint a Wrecsam. Bydd Llythyr Cynnig Grant 'confensiynol' gan Lywodraeth Cymru yn cyd-fynd â'r MCDd. Bydd taliadau blynyddol yn cael eu gwneud yn unol â'r MCDd, y Llythyr Cynnig Grant a'r Cynllun Cyflawni Blynyddol. Awdurdod dirprwyedig a roddwyd i'r Prif Weithredwr a'r Swyddog Monitro mewn ymgynghoriad â Chadeirydd y CBC i gytuno ar MCDd terfynol. O ystyried yr amseru a'r diwygiadau i'r MCDd, penderfynwyd cyflwyno'r ddogfen i'r CBC gan fod y drafft terfynol wedi'i dderbyn ar adeg ysgrifennu'r adroddiad hwn. Yr argymhelliad yw bod y CBC yn cymeradwyo'r MCDd ar y sail y bydd yr IAA yn cynnwys indemniadau ar gyfer y CBC gan y Cynghorau mewn perthynas â pherfformiad yr amodau.

- 3.12. Mae'r MCDd wedi'i farcio fel cyfrinachol. Mae hyn yn ofyniad gorfodol gan fod Llywodraeth Cymru wedi datgan nad yw'r ddogfen yn cael ei gwneud yn gyhoeddus ar hyn o bryd.

4. GOBLYGIADAU ARIANNOL

- 4.1. Mae goblygiadau ariannol y Memorandwm o Ddealltwriaeth yn ymwneud â'r dyraniad cyllid o £160m ar gyfer y Parth Buddsoddi. Bydd y trefniadau manwl ar eu cyfer yn cael eu nodi mewn Llythyr Ariannol Grant a fydd yn cael ei rannu gyda'r CBC unwaith y bydd wedi cyrraedd. Mae'r Cytundeb Rhyng-Awdurdod yn nodi'r goblygiadau ariannol i'r CBC a'r Cynghorau partner.

5. GOBLYGIADAU CYFREITHIOL

- 5.1. Bydd y Cytundeb Rhyng-Awdurdod yn nodi'r goblygiadau cyfreithiol ar gyfer gweithio a chyflawni mewn partneriaeth rhwng y CBC a'r ddau Gyngor partner. Mae hon yn ddogfen ochr yn ochr â'r Memorandwm o Ddealltwriaeth a'r llythyrau ariannu. Bydd yn sail i'r bartneriaeth rhwng y CBC fel Corff Atebol a'r Cynghorau. Yn y ddogfen, fe ymgorfforir y trefniadau llywodraethu sy'n cael eu cymeradwyo. Ei nod yw hwyluso cyflawni'r Parth Buddsoddi, rhoi eglurder am y rolau a'r atebolrwydd gan ddarparu model llywodraethu cytûn i gefnogi'r gwaith cyflawni. Mae'n ddogfen sy'n adlewyrchu'r penderfyniadau a wnaed mewn perthynas â datblygu'r Parth Buddsoddi drwy'r CBC a'r Cynghorau a'u hymgorffori mewn trefniant cyfreithiol rhwymol. Adroddwyd am y cynnwys a'r cyd-destun cyffredinol i gyfarfod o'r CBC ar 19 Medi 2025 - [linc i'r adroddiad](#).

ATODIADAU:

- Atodiad 1:** Cytundeb Rhyng-Awdurdod drafft
Atodiad 2: Prosiectau, gweithgareddau a cherrig milltir Blwyddyn 1 a 2
Atodiad 3: Memorandwm Cyd-ddealltwriaeth drafft [EITHRIEDIG]

DOGFENNAU CEFNDIROL:

- [Parthau Buddsoddi yng Nghymru: dogfen dechnegol](#)

YMATEB Y SWYDDOGION STATUDOL:

i. Swyddog Monitro:

"Rwyf wedi cyngori ar yr adroddiad, yn benodol mewn perthynas â'r IAA sydd wedi bod gyda Geldards LLP. Mae eisoes yn cael ei drafod gyda Gwasanaethau Cyfreithiol Sir y Fflint a Wrecsam. Mi fydd yn cael ei gwblhau fel rhan o'r broses gymeradwyo gyffredinol ac ar y cyd â'r MOU gyda'r llywodraethau."

ii. Swyddog Cyllid Statudol:

"Mae'r penderfyniadau a geisir yn gam arwyddocaol wrth sefydlu'r Parthau Buddsoddi. Rwyf wedi cael hysbysu am y Cytundeb Rhyng-Awdurdod drafft fel yr oedd yn cael ei ddatblygu ac wedi cael y cyfle i wneud sylwadau ar ei gynnwys.

Nid oes gennyf unrhyw wrthwynebiadau i'r penderfyniadau a geisir o safbwynt ariannol."